

中國方志叢書·華中地方·第七七七號

據

清·何慶朝纂修
清同治九年刊本

影印

江 西 省

武寧縣志

(七)

成文出版社有限公司印行

中華民國七十八年三月臺一版

武寧縣志

全七冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

武甯縣志卷四十

藝文詩

近體

題俯江樓圖畫冊

學政周系英

鹿洞驚湖自昔推江樓今見曲池開文章應得溪山助世澤
頻將桃李培室有藏書同鄰架地多好景即蓬萊西園東
家聲實應繼當年著作才

看鶴橋新成

張問行

點綴仙踪雙碧霄誰言有鳥託嵯峨水疑廣漢流明月城似
圓樓度玉簫豈必丁仙真化鶴儼教司馬徑題橋紛紛閑
坐處輕眼度蓬萊竹寂寥

龍石山

邑貢李超堂

山深處。神無因。蕭散今朝笠屐新。出寺鐘搖烟際樹。驛
犬吠鏡中人。孤雲片石仙。誰伴積雨空林客。絕塵甚欲招提
分半榻。洞天閒養十年神。

巾市

挂巾而後卽名村。到此風流六代存。曰鶴南飛餘稗史。青牛
東渡是仙源。野連竹塢開棋局。石占雲龕有漏痕。十里溪山
桑未海。憑誰舊事說蟠根。

過盛義士舊宅

西城十里舊名村。義士當年此闔門。野水近鄰書圃咽。山雲
漲作賊旗屯。枕戈自領全家節。奮劍猶留中柱痕。古屋三間
移地主。後生渠解弔英魂。

采蕨詞

乙巳歲大飢貧民倚蕨爲活深山僻谷掘取殆遍霜
出星人備極苦辛余周歷其狀感而賦此

自編棚戶寄山陬終日揮鋤爲食謀底事凶荒難作活樹隈
雲塢費羅搜

荆扉早起看東方天淨雲空滿地霜短褐嚴風不道冷柴根
何味也充腸

渣滓新淘澗水邊圍籬絡石朔風天林梢月落雞聲咽谷口
猶聞杵臼喧

歲云暮矣尙留山婦子相招荷鋪還貰酒村帘歡度歲只偷
元旦一天閑

過武陵岷

黎澍次元

曉巖嘶劍鬼神王絕巘盤紆鳥道通雲霧吐吞岷骨老蛇龍

出沒樹心空愁人一壑松楸雨吹我孤征
薛荔風故老猶能談往事相逢嶺畔說丁公

雲臺秋眺

烟光蕭瑟萬山中獨上雲臺極目空
古石岷前飛木葉白雲堆裡聽秋風
霜娥未老山頭碧鳥雀還驚樹底紅
自愧琴書飄泊久蘓溪鷗鷺也羞同

過荆陂潭

在四十六都

峭壁摩天石磴危秋風吹雨過荆陂
浪花輕撼魚踪沒天影虛涵雁字岐
古壑雲堆菩薩岬空山月冷梵王基
我原汗漫忘機客水鷺沙鷗莫浪疑

石湖謠

王子音

心言

石湖袤廣百畝開自明十九傳祖良士公其以石名

者仍破石之名也環湖居者三百餘戶資灌漑者千
七百餘畝自良士公訖今三百餘年安熙熙世享
太平庶幾樂士矣子音生長湖上追懷先澤寄諸風
謠亦在湖言湖已爾

儂家家世住蟠溪水滿長湖柳滿堤烟火江南圖畫出幽風
借作竹枝題

東風吹裂滿湖冰雪點楊花水面萍昨日清明今穀雨良苗
夾鏡已青青

鹹魚麥飯倩栽禾四面平湖百藕歌別有前村秧馬急鷺鷥
灘下峭帆過

麥笠搖風轉轆轤鹹茶淘飯打高呼不停晝夜分班代喜得
秋來水滿湖

早菰初登始粟田不分旱澇趁秋前家家夜半炊晨飯我灌
渠栽月在天

柳陰晝啖苦甜菽可口休聽婆餅焦記得那年湖水涸黃瓜

菜粥也攪腰

俗謂午膳爲攪腰一充

搖擲也樂樂何遙收日日楊堤夾岍招松樹河頭鵬足渡兩地

名夕陽牛背雜風謠

五穀豐登合室歡殺雞酌酒祭神壇今年還卜明年好願得
盈湖水不乾

石市吟

貢生 熊鎮瀾 歐爐

江干遙望碧烟圍小市青帘桑柘稀數世商家成土著幾朝
民屋老荆扉蔥蘢屢刈三秋稼旖旎常新九月衣任爾荒年
無菜色潭頭洞裏采樵歸

支離此地竟桑榆環堵蕭然笑守株過眼風雲皆幻境留人
卷軸是真娛鐘敲隔岸烟迷棹酒散荒廛月在梧壇上一燈
歌舞者南邈落拓有歐爐

宿松山寺

司訓彭焯甯都州人

厯盡重巒到上方松風吹送雨花香雲深欸客虛堂靜活水
煎茶夜話長

寒泉宛折石嶙峋掩映曇光丈六身解得拈花含笑意蒲團
作伴是前因

鐘聲敲斷晚烟寒雨滑添愁客路難底事瓚公煨芋火多情
兩夕勸加餐

鳥語催行曙色遲出山重訂到山期前緣莫問三生石記取
留題壁上詩

庚午秋豫甯書院留別

翰林饒向榮東鄉人

柳峯修水重流連幾度薰風到楊前漫有文章通意氣多勞
翰簡結因緣詩書學海尋先輩事業名山認後賢一幅征帆
灘百轉長安翹首杏花天

舟宿麻潭弔胡紹遠兄弟

徐忠孝錢樵

溟濛殺氣岼頭橫紹遠當年此拒兵秋草已殘邊將血江風
猶作戰塲聲枕戈到底存忠義陷陣還能共弟兄一片青燐
飛夜影舟人遙指舊軍營

九日登萬福寺

歸來兩負黃花節今日峰頭著意看嵐氣影移山麓動松聲
遙撼海濤寒但憐心跡秋兼淨莫問功名葉共殘三十年前
曾此寺滄桑滿眼一憑欄

暮春登獅子峴

幾度斯峴共散襟
沉銜紫燕又重臨
青山不老盟還續
碧水長存勝更尋
酒酌危亭知己意
詩敲傑閣故人心
最憐謝脁遊成癖
碁墅風流竟至今

清明日拜師友墓

鶯歌蝶舞綠楊中
墓拜吾師酒不空
雙屨立殘三尺雪
一瓊坐老十年風
忍忘陶冶勞全力
敢說烟雲滿寸衷
翹首魂來天漠漠
啼痕化作杜鵑紅

盛字雲夫子

浩蕩春風麥飯時
殷勤墓拜韻溪師
十年讀後香三炷
萬里歸來酒一卮
不朽中郎惟有女
可傳伯道竟無兒
那堪淚灑衣痕濕
幾樹聲聲叫子規

李韻溪夫子

秋雨秋風宦遠天
我師送我艾城邊
江頭一別成千載
墓下

重來又廿年但識窮通皆有數漫嗟兒女獨無緣平生肝膽
勞相照忍向春風淚不鮮

陳竹屏夫子

當年磨劍話崑崙今日還家拜墓門十里花飛知已泪一江
雲湧故人魂瓣香渡水何辭邁樽酒來山豈憚煩生死榮懷
情不盡夕陽遮莫下黃昏

內兄費逸亭

歸然三碣蝕蒼苔昆季慇懃酒一杯地下獨嗟君已去天邊
應識我還來交論道義情原厚誼重安危念豈灰最是不堪
今日意烏啼花落總成哀

盛冰巢琢愚熙堂昆季

瓜源雜詠四則

舒 鏌

吳峰之外居民稠活活陂塘歲有秋飽食暖衣君自取大家
努力易田疇

瓜源

割據何曾盡有東一時韜畧霸圖空而今剩得荒榛裏鐵塚

巍然遠望中 吳王峯

十二珠圓怪石頭江心鼓浪戒行舟
神龍駿馬驅前後日夜
何曾阻下流 三磯灘

一村大注想先民五百膏腴漫肯貧
食德服疇忘手澤仁山
祖是插花人大注村

庚寅九日偕洪瀚青遊白雲寺

副貢 李葆光 良玉

寺外重重樹色蒼故宮傳說自南唐
劫灰不盡仙娘術塵世
惟留秋草芳日透疎窗幢影亂風迴
翠竹鳥聲忙息機何處
通禪偈三徑花開菊有香

丙申清和節遊龍潭寺和柯學光原韻

鄭公堂上古苔留密竹逕中想昔遊
狎客鴛鴦臨水鏡愁人
風日到山樓棟花開後香連徑芳草
繁時綠滿洲舊事荒涼

類事古廣心軒外興濃稠

苦節詩爲盛熊氏作

邑令尹作翰湘潭人

節婦盛熊氏年三十三而寡家徒壁立苦節三十餘年一子病弱嘉慶乙亥歲荒母子相繼歿詩以憫之鏡破幽閨痛藁砒那堪貧病更交侵卅年勉踐生前約一飯猶寒死後心逝者恨難嫻石補餒而愴甚掌珠沉慚余惠鮮無長策承乏空鳴單父琴

紀田李氏割臂詩

氏名阿芸田德鄰之妻邑貢生李蓋孫女姑陳氏患痰疾危甚阿芸於九月初三夜割左臂肉以進病痊孝重守身氏非冰淵之意矣然亦足以示鄉曲

庸行無奇特胡爲肢自殘但能愚以達亦見事之難霜鏗

中淬冰肌金庚寒雨姑病痊可蓬戶永承歡

奉和尹明府紀蓋孫女割臂詩原韻

貢生李

蓋

初堂

癡兒安解孝弗恤體膚殘事此原非正爲之蓋亦難四更心
孔切一癯臍生寒褒予蒙賢宰承懽恐未懽

伊山道中

兩山如闔戶曲磴似難通鳥道循溪轉樵夫夾路逢斷崖懸
短笏碧澗下飄蓬顧謂從遊者吾將馬首東

城東暮游

邑廩張

斌力菑

藕花開盡晚雲深十里新涼天氣陰臨水人家秋草綠隔林
僧寺一蟬吟松楸冷落分柘酒鷄犬闌珊伴藁砧詩句不堪
重檢點春風前度阮郎心

晚過龍溪寺

邑貢余在藻若水

鄉村離小徑梵宇入重林井自靈巖出

巖室有石泉盛于壑題爲沆澗

臺披

蔓草尋

寺南一石黎博菴鐫講經臺三字今沒

夕陽連遠火新月上高岑卓錫

人來此爐烟直到今

遊武陵岷

不作飛來勢偏占特地雄爛柯碁有局煉石鼓如銅彭蠡蒼

茫外江城縹緲中

絕頂一峯可望鄱湖江省諸勝

尋幽誰到此樵徑一山翁

重遊淨明堂

不到篁山二十秋紫芝瓊樹洞門幽塵封古壁餘名韻座對

良朋憶舊遊流水依然丹竈冷閒雲如故菴宮浮致菴遺跡

終難覓石色蒼蒼一磬留

武安山

王鶴臯

聽瀾

握衣泚泚碧峰頭崩劣雄開壁壘稠羅拜兒曹空疊翠摩挲

劍氣漫橫秋蓮塘水冷侵蟲蟻石磴雲肥縱馬牛數百年來
征戰盡何須弔古恨麻洲

登城東浮圖

邑廩 劉夢說去厓

谿谷直上碧雲端鈴鐸聲驚數里寒萬竈烟光生下界九天
風雨近雕欄舊基荒沒憐耆老

塔下舊爲文昌閣故址

新鎮雄開憶長

官西望後貌青百尺千秋遙與峙江干

躡屐緣梯屈曲通江山面面總玲瓏目窮吳楚蒼茫外身在
烟雲杳靄中勝地隱增興廢感文峰應祝後先同辨香還向
滇南拜百尺甘棠識召公

秋日同友人遊天池

邑庠 張明遠 俞謙

火雲猶未斂奇山渴想秋風水一灣石洞烟深龍欲住衡陽
雨斷雁初還草迎古寺聽猿急花落荒台繫馬艱到處不堪